

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին
08.06.2021թ. թիվ 2112840507 որոշման հիմքում դրված փաստական
հանգամանքների դեմ բերված գանգատն առանց բավարարման թողնելու մասին

<< 02 >> 07 2021թ. 7-13- 10425

ք.Երևան

Ճանապարհային ոստիկանության պետ, ոստիկանության գնդապետ
Ե.Կարապետյանս, վերանայելով Սամվել Հայրապետյանի ՄԴ/51617-21 դիմումի
քննարկման արդյունքում ստեղծված նյութերը՝

Պ Ա Ր Ձ Ե Ց Ի

Երևան քաղքի Մալաթիա-Սեբաստիա վարչական շրջանի Անդրանիկի փողոցի
68-րդ շենքի 13-րդ բնակարանի բնակիչ Սամվել Հայրապետյանը դիմումով խնդրել է
վերանայել Ճանապարհային ոստիկանության վարչական տույժ նշանակելու մասին
թիվ 2112840507 որոշումը՝ նշելով, որ իրավախախտումը կատարվել է իր կողմից և
լուսացույցի կանաչ լույսի թույլատրող ազդանշանի առկայությամբ իր
տրանսպորտային միջոցը մուտք է գործում խաչմերուկ:

<<Վարչական իրավախախտումների վերաբերյալ>> ՀՀ օրենսգրքի 286-րդ
հոդվածի 1-ին մասի համաձայ Սամվել Հայրապետյանը ճանաչվել է որպես
իրավախախտումը կատարած անձ, ուստի նրա կողմից ներկայացված գանգատը
ենթակա է քննության:

Դիմումի քննարկման արդյունքում պարզվել է, որ դիմումատուի փաստարկը չի
կարող վարչական ակտը բեկանելու հիմք հանդիսանալ, ուստի վարչական տույժ
նշանակելու մասին թիվ 2112840507 որոշումն ենթակա է կատարման հետևյալ
պատճառաբանությամբ.

<<Տեսանկարահանող և լուսանկարահանող սարքերով հայտնաբերված
ճանապարհային երթևեկության կանոնների խախտումների վերաբերյալ գործերով
իրականացվող վարչական վարույթի առանձնահատկությունների մասին>> օրենքի 3-
րդ հոդվածի 1-ին մասի համաձայն՝ վարչական վարույթի իրավախախտման
հատկանիշների պարզման փուլում իրավախախտումը հիմնավորող ապացույցը
իրավախախտումն ամրագրած տեսանյութն է կամ լուսանկարը, որը պարունակում է
նաև տեխնիկական միջոցով արձանագրված տվյալները: Ըստ նույն հոդվածի 2-րդ
մասի՝ որպես իրավախախտումը հիմնավորող ապացույց վարչական կամ դատական
կարգով բողոքարկման վարույթում կարող են օգտագործվել Վարչական
իրավախախտումների վերաբերյալ Հայաստանի Հանրապետության օրենսգրքի 251-
րդ հոդվածով նախատեսված ապացույցները:

ՀՀ կառավարության <<Ճանապարհային երթևեկության կանոնները և
տրանսպորտային միջոցների շահագործումն արգելող անսարքությունների ու
պայմանների ցանկը հաստատելու մասին>> 28.06.2007թ. թիվ 955-Ն որոշման 7-րդ
կետի 3-րդ ենթակետի համաձայն՝ դեղին ազդանշանն արգելում է երթևեկությունը
(բացառությամբ կանոնների 19-րդ կետով նախատեսված դեպքի, այն է դեղին
ազդանշանը միանալու կամ կարգավորողը ձեռքը բարձրացնելու դեպքում այն
վարորդները, որոնք հնարավորություն չունեն առանց կտրուկ արգելակելու կանգնել
կանոնների 18-րդ կետում նշված տեղերում, կարող են շարունակել երթևեկությունը:
Այդ ազդանշանի դեպքում երթևեկելի մասի վրա գտնվող հետիոտները պետք է
ազատեն այն, իսկ եթե դա հնարավոր չէ, կանգ առնեն հանդիպակաց
ուղղությունների տրանսպորտային հոսքերը բաժանող գծի վրա) և նախազգուշացնում

ազդանշանի առաջիկա փոփոխման մասին, իսկ նույն որոշման 7-րդ կետի 5-րդ ենթակետի լուսացույցի կարմիր ազդանշանն, այդ թվում նաև՝ թարթող, արգելում է երթևեկությունը: Նույն որոշման 18-րդ կետի համաձայն՝ լուսացույցի (բացի դարձափոխայինից) կամ կարգավորողի արգելող ազդանշանի դեպքում վարորդը պետք է կանգ առնի «Կանգ-գիծ» գծանշման (կամ 6.16՝ «Կանգ-գիծ» նշանի) առջև, իսկ դրա բացակայության դեպքում՝ հատվող երթևեկելի մասի առջև՝ հաշվի առնելով կանոնների 93-րդ կետը, խոչընդոտ չստեղծելով հետիոտների համար, ինչպես նաև այլ վայրերում՝ լուսացույցի կամ կարգավորողի առջև՝ խոչընդոտ չստեղծելով թույլատրելի ուղղություններով երթևեկող տրանսպորտային միջոցների և հետիոտների համար:

Վարչական իրավախախտումների վերաբերյալ ՀՀ օրենսգրքի 124.3-րդ հոդվածի 1-ին մասի համաձայն՝ տրանսպորտային միջոցների վարորդների կողմից լուսացույցի կամ կարգավորողի արգելող ազդանշանին չենթարկվելը, առաջացնում է տուգանքի նշանակում՝ սահմանված նվազագույն աշխատավարձի քսանհինգապատիկի չափով, տուգանային միավորի կիրառում՝ 2 միավոր:

Ճանապարհային ոստիկանության վարչական տույժ նշանակելու մասին թիվ 2112840507 որոշումով իրավախախտումն ամրագրած տեսանյութի դանդաղեցված և դրվագային ուսումնասիրությունն ապացուցում է, որ դիմումատուին պատկանող «KIA» մակնիշի 30QO500 հաշվառման համարանիշի տրանսպորտային միջոցը Երևան քաղաքի Կոմիտասի պողոտա-Գյուլբենկյան փողոցի խաչմերուկի հատվածում լուսացույցի կարմիր ազդանշանի ներքո հատել է «Կանգ-գիծ» գծանշումը 22.05.2021թ. ժամը 12:42:18-րդ վայրկյանին, երբ իրավախախտումն արձանագրված խաչմերուկում առկա լուսացույցի վրա ժամը 12:42:15-րդ վայրկյանից միացված է եղել (կարմիր) արգելող ազդանշան:

Այսպիսով, դիմումատուի արարքում ակնհայտ է Վարչական իրավախախտումների վերաբերյալ ՀՀ օրենսգրքի 124.3-րդ հոդվածի 1-ին մասի զանցակազմը:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասով և 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 08.06.2021թ. թիվ 2112840507 որոշման հիմքում դրված փաստական հանգամանքների դեմ բերված գանգատը թողնել առանց բավարարման:
2. Հանձնարարել ՏՄՀԻՎԳՔ բաժնին՝ Սամվել Հայրապետյանի անվամբ կայացնել նոր վարչական ակտ:
3. Սույն որոշումը կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Սամվել Հայրապետյանին և ՃՈ ՏՄՀԻՎԳՔ բաժնին:



Ե. Կարապետյան